

11. februar 2026

Inatsisartut Suleriaasianni § 37 imm. 1 naapertorlugu Naalakkeruisunut apeqqut imaattoq matumuuna saqqummiuppara:

## **Naalakkersuisunut apeqqut:**

Naalakkersuisut qanoq naliliiffigaat Aasianni aalisakkeriviup nunami tunitsiviup siunissaa 2026-2027-mut, aammalu sutigut tigussaasunik pilersaaruteqartoqarpa suliffissaqartitsineq aammalu inuussutissarsiorneq qulakkeersimaannarlugit piujuarnissaat sumiiffimmi, pisassiissutit tulaanneqartartut tunngaviusut annikillissappata?

Inatsisartunut Ilaasortaq Aqqalu C. Jerimiassen, Atassut.

## **Tunngavilersuut:**

Tusagassiutitigut eqqartorneqarpoq tunitsiviup Aasianni matuneqaratarsinnaanera 2026-ip ingerlanerani, pisassiissutitik tulaassukkanik amigaateqarfiusalerneranik malitseqartumik. Paasissutissat toqqammavigalugit tusind tonsit sinnillit amigaatigineqarsinnaapput aalisakkat tulaassorneqartartussat aalisakkeriviup patajaatsumik ingerlatsinera piutiinnarlugu ukiuni tulluuttuni.

Nunami suliffissanik Aasianni ittuni matusinerup kingunerisussaavaa malunnaatilimmik suliffissaqartitseq eqqarsaatigalugu kingunerluuteqarnissaa, sumiiffimmi aningaasarsiorneq aammalu Kommune Qeqertalik tamaat eqqarsaatigalugu. Aalisakkanik tunitsivik sumiiffimmi aningaasarsiorfittut qitiuvoq, toqqaannartumik suliffissatigut aammalu toqqaannangitsumik soorlu sullissinikkut aammalu angallassinikkut, pilersuinikkut aammalu atugassanik nioqqutissatigut.

Aalisarnikkut ineriartortitsineq assigiinngitsutigut sunnerneqartarpoq, soorlu pinngortitaleriviffiup siunnersuineratigut pisassatigut killilersuinikkut, inuussutissarsiornerup aaqqissorneqarneratigut inatsisitigut sinaakkusersuinikkut. Taamaattumik pingaartuteqarpoq Naalakkersuisut nalilersuinissaat piffimmi pissutsinik kingunerluutaajumaartussanik Aasianni tunitsiveqarnikkut pissutsinik.

Apeqqummut siunertaanngilaq suliffeqarfiit ataasiakkaat pillugut imaluunniit tingussaasumik ingerlatsinermut aalajagiinerit, siunertaallunili Naalakkersuisut ersarissaanissaat qanoq pilersaaruteqartoqarnerisooq patajaatsumik suliffissaqartitsinerup aammalu inuussutissarsiornerup ineriartortinnissaa piffimmi pineqartumi, aalisarnerup iluaqutaasumik sumiiffimmi aningaasarsiorfiusumik imminut nappattumik ingerlaannarsinnaanissaa.

Pingaartuteqarpoq Naalakkersuisut nalilersuinerneq aammalu ersarissaanissaat nalilersuinissaat aammalu iliuuseqarnissaat, taamaasillutik innuttaasut, kommuni aammalu inuussutissarsiorneqartut siunissami piareersaateqarsinnaalerniassammata.